

## فيديو # ٩٣٤ من مقاطع حظر التجول تدبر سورة الزمر # ٩ الآيات

١٥-٦٤

فاضل سليمان

السلام عليكم ورحمة الله وبركاته. اهلا بحضراتكم في المقطع رقم ربعمية تسعه وتلاته من مقاطع حظر التجول والحلقة التاسعة من حلقات سورة الزمر ارجو من حضراتكم تجبيوا المصاحف ويفتحوا معي من الآية ستة اربعين. الآية ستة واربعين في سورة الزمر -

00:00:04

بسم الله الرحمن الرحيم يلا نبدأ مع بعض ان شاء الله. اعوذ بالله السميع العليم من الشيطان الرجيم قل اللهم فاطر السماوات والارض عالم الغيب والشهادة انت تحكم بين عبادك فيه -

00:00:36

ما كانوا فيه يختلفون الصورة من اولها بتبيان الفرق الشاسع والخلاف الرهيب بين المؤمنين والكافرين في كل شيء فربنا بيعلم النبي في الآية دي الآية ستة واربعين كيف يلجاً إلى الله؟ -

00:00:55

واحنا لازم نتعلم من هذا التعليم. فربنا بيعلم النبي واحنا بنتعلم بقى دلوقتي هذه الطريقة في الدعاء قل اللهم فاطر السماوات والارض عالم الغيب والشهادة الانسان لازم ينادي ربنا اولا ويناجيه. يكلمه قبل ما يقدم طلباته. تخيل كده واحد فيكم يفتح رسالة -

00:01:16

من واحد مكتوب فيها خمسهيت جنيه ادينى خمسهيت جنيه طب هتديه له ولا لو واحد تاني بعث لك رسالة يقول لك عزيزي فاضل انت انسان كريم ودائما بتتفق مع المحتاج و بتساعد الناس. ممكن تدينى خمسهيت جنيه -

00:01:41

فرربنا بيعلم النبي المناجاة فيه ادب فيه اصول فيه آآ طريقة نتكلم بها آآ آآ ربنا الاول. انك ازاي تكلم ربنا قبل ما تقدم طلباتك. قل اللهم فاطر السماوات والارض. عالم الغيب والشهادة -

00:02:00

ده دعاء بيعمل لربنا القدرة والعلم كله فاطر السماوات والارض. بيوصف قدرة الله في خلق الكون كله عالم الغيب والشهادة بيوصف علم الله الكلي علم ربنا علم كلي علم كامل -

00:02:19

الغيب بيبقى اما غيب زمانى او غيب مكاني الغيب الزمانى هو المستقبل. يعني مسلا اللي هيحصل بكرة ده بالنسبة لنا كلنا غيب. يحصل السنة الجاية بالنسبة لنا كلنا غايب الغيب المكاني هو اللي بيحصل في اماكن اخرى -

00:02:41

يعني دلوقتي اللي بيحصل في الشقة اللي جنبي ده بالنسبة لي غيب اللي بيحصل في مصر مسلا ده بالنسبة لي غايب الله عز وجل عالم الغيب كله زمانى ومكاني عالم الغيب والشهادة. يعني ما نشهد ما نراه -

00:03:00

ممكن واحد يقول لي طب ايه قيمة ان ان يقول عالم الشهادة؟ طب ما الشهادة ما هو الانسان بيشهد الله طب ما يعني الشهادة شيء معروف برضو الانسان بيشهد اللي بيحصل قدامه بس. فحتى انا بالنسبة لي عالم الشهادة هو اللي بيحصل في الغرفة اللي قدامي بس -

00:03:19

اه بالنسبة لكل واحد فيكم اللي بيشهد هو اللي بيشوفه. لكن ربنا عالم الشهادة في كل لحظة في كل حلة طيب آآ الحاجة الثانية احيانا بنشوف حاجة لكن ما نعرفش حقيقة ما نراه -

00:03:38

ما نعرفش الحقيقة ربنا يعلم آآ اللي ب يحدث ويعلم حقيقة ما يحدث فهذا الدعاء جمع لله القدرة والعلم آآ سئلت معلمة الامة امنا عائشة رضي الله عنها وارضاها بما كان يفتح رسول رسول الله صلى الله عليه وسلم صلاته بالليل. كان بيبدأ بيأيه؟ كان بيفتح بيأيه -

قالت كان يقول اللهم رب جبريل وMicahiel واسرافيل فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون. اهدي لما اختلف فيه من الحق باذنك وانك لتهدي من تشاء الى صراط مستقيم - 00:04:23

نرجع للاية ستة واربعين بتاعتتنا ونشوف طلب النبي صلى الله عليه وسلم من ربنا في هذا الدعاء اقرأ معن ستة واربعين. قل اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون. يا رب - 00:04:53

احكم بين عبادك احنا وصلنا لمرحلة من الاختلاف معهم. ما حدش خلاص قادر يقنع الثاني. هم بيشركوا بك واحنا بنوح بك احكم بینا بقى بس صيغة الدعاء انا ملاحظ انها حيادية جدا بدرجة كبيرة - 00:05:12

يعني ربنا بالتأكيد لما يحكم لصالح الحق واكيد هيحكم ضد الباطل واكيد هيحكم لصالح اليمان. واكيد هيحكم ضد الكفر. واكيد هيحكم لصالح التوحيد. واكيد هيحكم ضد الشرك. لكن في الدعاء هنا - 00:05:32

ربنا قال للنبي يقول ايه يطلب منه انت تحكم بين عبادك. يعني هو النبي بيقول انت تحكم بين عبادك ما حبتش لربنا مين اللي على حق ومين اللي على باطل - 00:05:48

فما قالوش ما قالش ربنا انت تحكم بيننا. لو كان قال له انت تحكم بيننا يبقى النبي حط نفسه في احد الاطراف قال له انت تحكم بين عبادك زي ما تدعوا ربنا تقول ايه؟ اللهم انصر الحق واهله - 00:06:04

ده فيه موضوعية اكبر من انك تدعوا ان ربنا ينصرك طب فرضنا انت على باطل هل تحب ان ربنا ينصر الباطل فانت تدعوا ان ربنا ينصر الحق واهله وتدعوا الله ان تكون من اهل الحق. لكن ما تدعوش ان ربنا ينصرك وخلاص. مين قال اللي انت على - 00:06:23

اصلا فهنا في موضوعية خطيرة جدا الحقيقة يعني ملحوظة في الاية انت تحكم بين عبادك فيما كانوا فيه يختلفون طيب اقرأ معن سبعة واربعين ولو ان للذين ظلموا ما في الارض جميعا ومثله معه لافتدوا به. لافتدوا به من سوء - 00:06:42

العذاب يوم القيمة وبداء لهم من الله ما لم يكونوا يحتسبون. طيب بعد ما دعا النبي عليه الصلاة والسلام بالمحاكمة العادلة الحيادية بين عباد الله المؤمنين وبين المشركين ربنا اعلن - 00:07:07

ان الحكم سيكون ضد الظالمين ضد الباطل آلا درجة ان الظالمين ممكنا يدفعوا كل املاكهم حتى لو كانت املاكهم دي الدنيا كلها. كل اموال الدنيا اول ما يشوفوا العذاب يبقوا مستعدين يدفعوا نفسهم باي حاجة باي مبلغ - 00:07:24

اقرأ سبعة واربعين. ولو ان للذين ظلموا ما في الارض جميعا ومثله معه وقده مرتين قد سروات الارض وذهب الارض مرتين لا افتدوا به من سوء العذاب يوم القيمة من شدة العذاب يهبيقو مستعدين يضحوا بكل ما يملكونا مهما كانت قد ثروات الارض مرتين - 00:07:49

من الاية سبعة واربعين وبداء لهم من الله ما لم يكونوا يحتسبون ما هو اصل العذاب اللي شافوه بقى ما كانواش عاملين حسابه ما كانواش يتخيلوه. زي ما المؤمنين في الجنة لهم اي شيء يشاؤوه - 00:08:14

الكافرين والظالمين لهم عذاب فوق خيالهم ايضا اربعة وتلاتين. ارجع للاية اربعة وتلاتين كده ارجع الاقي اربعة وتلاتين ده المحسنين لهم ما يشاؤون عند ربهم. ذلك جزاء المحسنين. لهم اي حاجة يتخيلوها. اي حاجة يتمنواها - 00:08:35

كذلك الظالمين بقى لهم في النار ما لم يكونوا يحتسبون بقى لهم كمان. انواع من العقاب ما كانتش تخطر على قلب بشر وبداء لهم من الله ما لم يكونوا يحتسبون. مش بس كده لا كمان - 00:08:57

برضو من ضمن معانيها ان الانسان هيسأل عن اشياء هو كان غافل عنها تماما ومش متخييل انه هيتحاسب عليها تخيلوا بقى واحد واحد بعده يوم القيمة ورایح فاكر نفسه داخل الجنة لانه كان بيصلّي وكان بيصوم وما كانش بيقترب من الحرام. وكان ماشي جنب - 00:09:11

زي ما بيقولوا ثم يسأل عملت ايه لاخوانك في فلسطين وبداء لهم من الله ما لم يكونوا يحتسبون هو ده معنى التقوى انك باستمرار تبحث عن واجباتك وتأكّد ان لك دور ولو صغير في دعم الحق ومساندة المظلوم في كل مكان - 00:09:32

تسأل عن الروهينجا. عملت لهم حاجة؟ فكانت بالكارت بتاعك تتبرع لهم بعشرة دولار هتسأل عن كل دول طيب. انت ازا لا تدع بابا من ابواب الخير الا بيكون لك فيه اثر - [00:09:58](#)

انا عندي حلقة بس مش فاكرة اسمها ايه ذكرى وعبرة كانت عند دكتور احمد القاضي الله يرحمه في امريكا وانا كنت بشتغل مع مع احد المساجد ده مسجد دار الهجرة في واشنطن دي سي - [00:10:14](#)

و كنت آآبقي متطلع في لجنة جمع التبرعات. ففوق انا انا بشوف او اللي هي الورقة اللي جملة يعني اللي عايز يتبرع بيمللي ورقة فكل اسبوع بنجمع تبرعات مرة عشان حاجة جامدة جدا ومهمة جدا زي مسلا اه اه رعاية ايتام حفر بير في افريقيا اه او مسلا ممكنا حاجة - [00:10:28](#)

بسقطة قوي زي مسلا ايه عايزين نجيب شركة تنضف الموكيت بتاع المسجد مسلا تلاقي الدكتور احمد دايما متبرع عشرة دولار عشرة دولار. دول ايه عشرة جنيه عشرة دولار عشرة دولار مرة واحدة الف دولار - [00:10:51](#)

وبعد كده ارجع تاني اشوف التبرع بتاعه عشرة دولار. عشرة دولار. الف دولار يعني مش فاهم ليه المبالغة الجامدة دي مرة واحدة وبعد كده بيتبّرع ب حاجات بسيطة كده. فرحت مرة صليت جنيه كده استنيت بعد ما اخلص صلاة السنة بتاعته وبعدين - [00:11:07](#) سألتوني بس انا عايز اسألك سؤال قال لي نعم. قلت له انا لاحزت انت بتتبرع دايما ب حاجة صغيرة ومرة واحد متبرع ب حاجة كبيرة او اي. ليه اللي هو المفروض ايه يعني - [00:11:22](#)

يعني الطبيعي بتاع اي حد ان احنا بيشوف المشروعات اللي احنا بنعرضها وطالبين لها تبرعات. لو اقتنع بيتبّرع بمبلغ ما اقتنعش فيه ما بيتبّرعش لما ما بقتنعش اتبرع عشرة دولار - [00:11:32](#)

وانا لي اثق في عقلي ان انا قدرت احكم الحكم الصحيح انا لما بقتنعش لا ادع بابا من ابواب الخير حط عشرة جنيه. يمكن دي اللي هتدخلني الجنة وانا مش عارف - [00:11:49](#)

اقرا معى تمانية واربعين رحمة الله عليه وبدأ لهم سينات ما كسبوا. وحاق بهم ما كانوا به يستهذئون يومها هيزهر للناس كل سيناتهم. وبدأ لهم سينات ما كسبوا قارن ده بالمحسنين بقى - [00:12:02](#)

ارجع لي للاية اربعة وتلاتين وخمسة وتلاتين. هات لي اخر اربعة وتلاتين لهم ما يشاؤون عند ربهم ذلك جزاء المحسنين ليكفر الله عنهم اسوأ الذي عملوا يبقى المحسنين ربنا هيكل كل سيناتهم بما فيها اسوأ سيناتهم - [00:12:24](#) بينما الظالمين وبدأ لهم سينات ما كسبوا. كل سيناتهم هتزهر كله هيزهر في السجلات حتى الكوبابية البلاستيك بتاعة الایس كريم اللي رموها من شباك السيارة وهم في رموها في الشارع هتزهر في السجلات - [00:12:48](#)

عاقبوا عليها لأنهم لا يستحقوا المغفرة اي زنب. صغير او كبير بما فيها الاشياء بقى اللي كانوا بيستهذؤوا بها لما شافوا المؤمنين بيعملوها تلات مرات في القرآن الكريم يذكر - [00:13:06](#)

ولقد استهزاً برسل من قبلك وفي الانعام والأنبياء نفس الاية بالحرف اتكررت ولقد استهزاً برسل من قبلك فحاق بالذين سخروا منهم ما كانوا به يستهذئون. يعني ايه هم كل ما كانوا - [00:13:23](#)

يسمعوا تحذير النبي لهم من العذاب في الآخرة يستهذأوا قلوا طب يلا نزل العذاب بسرعة. طب خلي ربنا ما يتأخرش. طب آآ يستهذأوا بالعذاب فاللي كانوا بيستهذأوا به ده هو العذاب في النار - [00:13:47](#)

هو ده بالزبط اللي هياخدوه في الآخرة. اللي كانوا بيستهذأوا به ده هو ده اللي هيتعزبوا به. اقرا معى تمانية واربعين وبدأ لهم سينات ما كسبوا وحاق بهم ما كانوا به يستهذئون - [00:14:05](#)

كانوا بيترقوا عليه ده هو ده اللي هيحصل لهم بقى بالزبط تسعه واربعين معى فاذا مس الانسان ضر دعانا ثم اذا خولناه نعمة منا قال انما اوتته على علم بل هي فتنه ولكن اكترهم لا يعلمون - [00:14:19](#)

قد قالها الذين من قبلهم فما اغنى عنهم ما كانوا يكسبون فاصابهم سينه ما كسبوا. والذين ظلموا من هؤلاء سيصيّبهم سينات ما كسبوا وما هم بمعجزين النموذج ده بيتكبر كتير جدا - [00:14:40](#)

الانسان اللي لما يجد نفسه في خطر او في مصيبة فطرته تنضف من الشرك فجأة الشركة اللي كان مغطي الفطرة ومغمي عينيه ده  
بيتشرل وفجأة الفترة بتتنضف وبيهتدى الى الحق. ويعرف ان الله واحد ويلجأ لله وحده. والله العزيم عندي حالة - 00:15:03

اسلمت وهي في الطيارة لما حصل مطبات هوائية شديدة جدا هي بتتحكى لنا بتقول المضيفة اعلنت ان كل الناس تلبس الاحزمة وكانت بتبكى وهي بتعلنها. لان الطيارة كانت بتتطوح في شك احنا قلنا خلاص احنا ضعنا. الطيارة هتنقلب - 00:15:31

فبتقول المضيفة كانت بتعلن ارتداء الاحزمة وهي بتتعيط بتبكى. صوتها بيترعش البنت مصرية مصرية كانت مسيحية بتقول لي لقيت نفسي بنطق بالشهادتين تلقائية يقول اشهد ان لا الله الا الله وان محمد رسول الله - 00:15:54

بتحلف ان عمرها ما اهتمت بالبحث في موضوع الاديان اصلا خالص ولا كان في دماغها بعدها تطوعت معنا وشاركت في تصميمات الغلاف حتى بتاع بعض الافلام التسجيلية بتاعتنا فهي النقطة دي دي حاجة غريبة قوي وبتتكرر اللي هو ان الانسان لما يبقى في خطر لما يحصل له مصيبة يلجأ لله بس. اقرا معي تسعه واربعين - 00:16:15

فاذما مس الانسان ضر دعانا ثم اذا خولناه نعمة منا قال انما اوتيته على علم بل هي فتنه ولكن اكترهم لا يعلمون. كلهم بيرجعوا لربنا وقت الشدة. اول ما تزول الشدة هناك بقى من يشرك الاصل - 00:16:40

بيقول لك الاصنام الالهة انفقتنا. وهناك من يشرك المال شف الفلوس بصرامة هي اللي زبطة كل حاجة هي اللي طلعتنا من المطب ده وهناك من يشرك علمه وشطارته وخبرته لك معصي انت مش عارف ما هو بيبني وبينك بردہ يعني انا خبرة تلاتين سنة في الموضوع ده. يعوق ويبدأ يتكلم عن علمه - 00:17:00

وهناك من يشرك التطور العلمي مش لازم علمه هو لكن العلم عموما مجرد التقدم العلمي هو اصبح الله عنده فيشركوا ويشكرون التطور العلمي والتقدم العلمي مش ربنا في الاية بتاعتنا دي - 00:17:27

اقرا معي تسعه واربعين فاذما مس الانسان ضر دعانا ثم اذا خولناه نعمة منا قال انما اوتيته على علم. بيشكر العلم عموما مش لازم علمه هو قارون قال ايه قال انما اوتيته على علم عندي. اللي فاكررين سورة القصص لما تدربناها. قارون قال على علم عندي. العلم بتاعي انا - 00:17:43

ففي ناس بتعبد نفسها ومسطير عليها شهوة الشعور بالتميز والعلو انا اغنى واحد في المنطقة انا ارقى واحد في المنطقة انا اكثرا الناس علما في الموضوع ده انا اشيك واحد في العمارة. انا اجمل واحد مش - 00:18:12

دي حاجة كمان احنا عمالين ننميهما في ولادنا اللي هو الایجو اللي عندهم. اللي هو ايه؟ كولي اكليل عشان تبقي اجمل بنت في الدنيا كل اكليل عشان تبقي اقوى ولد في الدنيا. عمالين ننمی لایجو جواه - 00:18:36

وبعدين يدخلوا المدرسة يا عيني تحصل لهم صدمة. البنت تكتشف انها مش اجمل بنت في الدنيا ولا حاجة. وفي مية واحدة احلى منها. والولد ما يكتشف ان هو ولا اقوى ولد في الدنيا ولا حاجة - 00:18:53

حاجة وفيه ميت ولد تاني ادوا له علقة كسروه يبقى يبدأ بقى عندهم الشعور بشهوة التميز يداعب الطفل لغاية ما يكبر به. عايز دايما بيحاول يبقى احسن من الاخرين. شكله احسن من الاخرين. اجمل من الاخرين. اقوى من الاخرين. دي - 00:19:03

حالة المنافسة المستمرة دي دي عملها العقل المادي. انما الاسلام عاوزك تبقي في حالة تعاون مستمر وتعاونوا على البر والتقوى. ولا تتعاونوا على اللاثم والعدوان. المنافسة اللي حث عليها الاسلام في الخيرات - 00:19:23

الاعمال الصالحة اللي تدخل الجنة في سورة المطففين ربنا قال وفي ذلك فليتنافس المتنافسون. الاشياء اللي تدخل الجنة مش في الامور الشخصية. مش اني لازم اكون اشيك واحد. مش لازم ابقى اجمل واحدة. مش لازم ابقى - 00:19:41

اقوى واحد مش لازم تبقي اغنى واحدة مش لازم ده الحاجات الشخصية دي مش لازم يكون فيها منافسة اصلا نرجع ناحية تمانية اخر الاية تمانية في سورة الزمر واذا مس الانسان ضر - 00:19:57

دعا ربه منيابا اليه ثم اذا خوله نعمة منه نسي ما كان يدعو اليه من قبل وجعل لله اندادا ادم ده اللي هو بصفة عامة بقى بيشرك بالله الاسباب ايا كانت هي ايه - 00:20:15

لكن في الاية تمانية واربعين الانسان هنا بيشرك التقدم العلمي بالزات المفروض ان العلم يقود الانسان للايمان والتقوى مش للكفر. اول  
كلمة نزلت في القرآن ايه اقرأ في سورة العلق. اقرأ باسم ربك الذي خلق. خلق الانسان من علق. اقرأ وربك الراكم. الذي علم بالقلم -

00:20:32

علم الانسان ما لم يعلم. الانسان العربي في الوقت ده كان اقصى طموحاته شوية نخلات وشوية غنميات نزلت الايات دي عملت غيرت  
عقلية العرب تماما. طريقة تفكيرهم اتغيرت اصلا اقرأ جملة ناقصة - 00:20:55

لما اقول لك اقرأ هتقول لي اقرأ ايه! كمل الجملة القرآن ولا الصحيفة ولا كتاب في الطب ولا كتاب في الهندسة اقرأ نزلت بدون ما  
الجملة تكمل لان معناها اقرأ. كل حاجة مفيدة. اقرأ القرآن عشان تزبط اعتقداتك وقييمك - 00:21:15  
وافكارك. اقرأ الكتب العلمية اقرأ الكتب الادبية اقرأ الكتب الشرعية. اقرأ اقرأ كل شيء اقرأ باسم ربك الذي خلق. ادي اقرأ اهي. خلق  
الانسان من علق. اقرأ تاني وربك الراكم الذي علم علم العلم - 00:21:35

التعليم يعني الانسان العربي في الوقت ده دي كلمة كبيرة جدا. علم بالقلم قلم كمان وادوات كتابة. ده احنا امة اميين. لا خلاص لن  
نصبح امة اميين خلاص من ساعة نزول القرآن لم نصبح امة اميين - 00:21:54

علم تاني ذكر العلم الانسان ما لم يعلم. تالت مرة يذكر العلم في سطرين هننحوف بقى مرتين اقرأ وتلات مرات علم ومرة قلم. فالعقلية  
بتتصنف وبتتغير تماما في زرف اربعين سنة - 00:22:09

من نزول الايات دي كان العرب بيترجموا المعادلات الكيميائية من الهيروغليفية للعربية بعد عشرين سنة تانيين كانوا بيقودوا العالم  
كله بلا استثناء في الفيزياء والكيمياء والطب والهندسة والفلك وفي كل شيء - 00:22:25

طيب دي اول كلمة نزلت من القرآن. اقرأ اخر كلمة نزلت ايه بقى عارفين اخر كلمة اخر اية نزلت في القرآن ايه الاية متين واحد  
وتمانين في سورة البقرة. واتقوا يوما ترجعون فيه الى الله. ثم توفي كل نفس ما كسبت - 00:22:44

لا يظلمون بقى اول كل حاجة اتعلم اطلب العلم وآخر كلمة واتقوا بين اقرأ ووثقوا ثلاثة وعشرين سنة من التربية القرآنية  
الرسالة ايه بقى مم الرسالة هي ان طلب العلم لازم يقودك للتقوى - 00:23:03

هو ده طلب العلم الصح. لكن لو قاد علق الانسان للكفر بقى ضاع. الانسان ضاع. بقى الانسان ما كانش بيطلب العلم صح والانسان  
بدل ما يشكر الله انه علمه راح شكر العلم نفسه وخلع العلم اله - 00:23:29

العلم نعمة من من الله الانسان للأسف النهارده جعل العلم نفسه هو الله فتننة كبيرة فتننة كبيرة مش كده؟ اقرأ باقي تسعه واربعين بقى  
بل هي فتننة ولكن اكترهم لا يعلمون - 00:23:47

هي فعلا فتننة بعد ما يزول بقى الخطر تبدأ الشهوات تسيطر مرة اخرى وتبرد تبدأ الفطرة تتراءج وتتسسلم للشهوات اقرأ باقي  
الاية خمسين قد قالها الذين من قبلهم. لسه قايلين اهو قارون قالها - 00:24:05

زي ما قلنا من شوية فما اغنى عنهم ما كانوا يكسبون لم يحمي قارون ثروته ولا علمه بل خسف الله به وبداره الارض كمل واحد  
وخمسين فاصابهم سينات ما كسبوا. والذين ظلموا من هؤلاء سيصيبهم سينات ما - 00:24:28

كسبوا وما هم بمعجزين زي ما اصاب قارون وامثاله عقاب السيئات اللي كسبوها اللي عملوها سيصيب هؤلاء يا محمد المشركين  
بتوعها بتوع مكة اللي هم بيعملوه وبيقولوه وما هم بمعجزين - 00:24:53

مش هيقدروا يعجزوا ربنا ابدا مش هيقدروا يهربوا من عقاب ربنا يوم القيمة ابدا ونتوقف هنا الليلة اللهم انا نسألك حبك وحب من  
يحبك وحب كل عمل يقربنا الى حبك - 00:25:14

اللهم ما رزقتنا ما نحب فاجعله قوة لنا فيما تحب وما زويت عنا مما نحب فاجعله فراغا لنا فيما تحب اللهم اجعل حبك احب اليها من  
اهلينا واموالنا ومن الماء البارد على الظماء - 00:25:33

اللهم حبنا اليك والى ملائكتك وانبيائك ورسلك وعبادك الصالحين واجعلنا من يحبك ويحب ملائكتك وانبيائك ورسلك وعبادك  
الصالحين اللهم احبي قلوبنا بحبك واجعلنا لك كما تحب الله اجعلنا نحبك بكل قلوبنا ونرضيك بكل اجسادنا. اللهم اجعل حبنا كله لك

00:25:53 - وسعينا كله في مرضاتك

اللهم اجعل القرآن الكريم ربنا ونور صدورنا وجلاء احزاننا وذهاب همومنا وغمومنا مغفرة ذنبنا اسأل الله العلي العظيم ان يجعل هذا التدبر في ميزان حسناتي وحسناتكم جميعا اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون. فبحق كل - 00:26:23

كل حرف في كتابك تلوناه او تدبرناه. اكفنا واهلينا شر كل من يكيد لنا ولهم. واحفظنا واياهم من شرورهم. ونجعلك اللهم في نحورهم فانت الوكيل ولا حول ولا قوة الا بك - 00:26:53

اللهم بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين. وانصرهم وانصر من نصرهم واخذل من خذلهم وطهر المسجد الاقصى من الدنس فانهم لا يعجزونك - 00:27:09

اللهم من قضى منا بالوباء المنتشر فاكتبها له شهادة. ومن كان منا او من احبابنا او من اخواننا او من اخواتنا او من علماتنا مريضا به او حاملا له - 00:27:26

فالبسه ثوب الصحة والعافية عاجلا غير اجل ومن لم يصب به فقه شره وابعده عنه ولا تسلطه الا على اعدائك او اعداء اولياتك اللهم انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك وتوحد - 00:27:40

على دعوتك وتعاهدت على نصرة شريعتك فوثق اللهم رابطتها وادم ودها واهدها سبلها واملأها بنورك الذي لا يخبو واشرح صدورها بفيض الايمان بك وجميل التوكل عليك. واحيها يا ربنا بمعرفتك. وامتها على الشهادة - 00:28:05

انك نعم المولى ونعم النصير. والسلام عليكم ورحمة الله وبركاته. ونراكم غدا باذن الله في نفس هذا الموعد ان كنا من اهل الدنيا - 00:28:26